

Udruženje za očuvanje i razvoj umjetnosti "ARTISTA"

Adresa: Ivana Cankara br. 10, 71000 Sarajevo

Kontakt: +387 62 922 900

+387 33 833 813

e-mail: prijava@artista.ba info@artista.ba

ARTista

Br. 97/26, datum: 14/5/2026

PROPOZICIJE

4. međunarodni festival dječije muzike Sarajevo "Kids Star" 2026.

Udruženje za očuvanje i razvoj umjetnosti "Artista" objavljuje propozicije i poziv za **4. međunarodni festival dječije muzike Sarajevo "Kids Star" 2026.** Pripremne radionice sa izabranim takmičarima će se održati 11. 12. 2026. godine, a Festival 12. 12. 2026. godine u Domu mladih Skenderija, Sarajevo.

Datum održavanja radionica: 11. 12. 2026.

Datum održavanja festivala: 12. 12. 2026.

Mjesto održavanja festivala: Dom mladih Skenderija, Sarajevo, BiH

Takmičarske kategorije:

- **MALE zvijezde:** 5-9 godina, izvođači koji na dan Festivala imaju navršenih od 5 do 9 godina. (min. 7, max. 10 takmičara/pjesama)
- **MLADE zvijezde:** 10-15 godina, izvođači koji na dan Festivala imaju navršenih od 10 do 15 godina. (min. 7, max. 10 takmičara/pjesama)

Kategorije se određuju prema dobi izvođača na dan Festivala.

Pravila takmičenja:

- Izvođači se mogu prijaviti samo s jednom pjesmom.
- Sve pjesme se pjevaju uživo uz matricu.
- Prijavljene pjesme ne smiju trajati više od 3 minute i 30 sekundi.
- Na Festivalu mogu isključivo učestvovati solo i duet izvođači.

Prijava treba sadržavati:

1. Ispunjen prijavni obrazac
2. Tekst pjesme (pdf ili word)
3. Biografiju izvođača
4. Dvije fotografije izvođača (jedna portret sa svjetlom pozadinom)
5. Studijsku snimku pjesme u MP3 formatu
6. Matricu pjesme (Prateći vokali su dozvoljeni isključivo kao prateći elementi i ne smiju voditi glavnu melodijsku liniju niti nadjačati glas izvođača.)
7. Snimku izvođenja pjesme uživo u mp4. formatu (link sa YouTube ili video putem WeTransfer) Izvođač treba uživo izvesti, snimiti i poslati izvođenje pjesme koju prijavljuje (kućni video)

Pjesme trebaju biti autorske, isključivo vezane za dječiji uzrast. Mogu biti ranije izvođene, ali ne starije od godinu dana. Tekstovi pjesama trebaju se baviti dječijom svakodnevicom, njihovim igrima, maštanjima, ljubavlju i svime što na pozitivan način prikazuje ljepotu i slobodu dječjeg odrastanja. Odabrane pjesme ne mogu se naknadno povući. Organizator zadržava pravo da zatraži originalne audio materijale ukoliko je to potrebno radi provjere autentičnosti prijavljene pjesme. Izabrane pjesme izvođači su obavezni na generalnoj probi izvesti uživo. Prijavljeni izvođači, njihovi roditelji/staratelji i autori prijavom na Festival prihvataju sve odredbe ovih Propozicija.

ID broj: 4202952870005 **BBi Banka:** 141 306 532 026 0135 **Rješenje:** 03-04-2-613/21 od 17.09.2021.

Udruženje za očuvanje i razvoj umjetnosti "ARTISTA"**Adresa:** Ivana Cankara br. 10, 71000 Sarajevo**Kontakt:** +387 62 922 900

+387 33 833 813

e-mail: prijava@artista.ba info@artista.ba**ARTista****Rok za prijavu: 13. 9. 2026. godine do 23.59h***Organizator zadržava pravo odluke o produženju roka za prijave.***Prijave slati na:** prijava@artista.ba**Nagrade po kategorijama, po jedna u svakoj kategoriji (dvije kategorije "Male" i Mlade" zvijezde):**

1. Trofej i diploma - Grand Prix za najbolju pjesmu Festivala
2. Trofej i diploma - Nagrada za najboljeg izvođača - Interpretacija
3. Trofej i diploma - Nagrada za najbolji tekst
4. Trofej i diploma - Nagrada za najbolju muziku
5. Trofej i diploma - Nagrada za najbolji aranžman
6. Trofej i diploma - Nagrada udruženja "Artista"

*Organizator zadržava pravo da nekim izvođačima dodijeli posebnu nagradu ako to smatra prikladnim. Nagrade nisu novčane.***Selekcija i izbor takmičara:**

- Najvažniji kriteriji za ocjenjivanje bit će kvalitet i tačnost vokalnog izvođenja i ukupni vokalni talenat.
- Stručni žiri će uzeti u obzir jasnoću glasa, dikciju, muzikalnost i izražaj, komunikaciju, prezentaciju, izvođenje i osobnost izvođača.
- Nakon zatvaranja poziva, stručni žiri će izabrati minimalno 14, a maksimalno 20 takmičara (pjesama) u dvije kategorije, od minimalno 7 do maksimalno 10 takmičara (pjesama) u svakoj kategoriji.
- Donesene odluke bit će konačne.

Kotizacija:	kotizacija	za	učešće	se	ne	plaća.
--------------------	------------	----	--------	----	----	--------

Troškovi: takmičari i njihovi pratitelji sami plaćaju troškove puta, smještaja i ostale troškove dolaska na Festival.**Prava organizatora:** organizator 4. međunarodnog festivala dječije muzike Sarajevo "Kids Star" 2026. ima ekskluzivna prava objavljivanja, uređivanja i korištenja odabranih pjesama na radiju, televiziji, društvenim mrežama, YouTube-u, CD-u/USB-u, ili bilo kojem drugom mediju koji postoji i koji će postojati u budućnosti bez ikakvih teritorijalnih ograničenja. Prijavom na Festival daje se puna saglasnost organizatoru da koristi, reprodukuje, prenosi, distribuira, izdaje, daje prava ili na bilo koji drugi način koristi navedenu pjesmu, uključujući ali ne ograničavajući se na:

- Emitovanje, reprodukciju i prenos pjesme tokom Festivala.
- Prezentovanje pjesme u medijima, uključujući televiziju, radio, internet, društvene i druge platforme i medije povezane sa Festivalom.
- Prenos prava na treću stranu, fizičko ili pravno lice, od strane organizatora radi promocije, distribucije, emitovanja ili bilo koje druge svrhe vezane za Festival.

ID broj: 4202952870005 **BBi Banka:** 141 306 532 026 0135 **Rješenje:** 03-04-2-613/21 od 17.09.2021.

Udruženje za očuvanje i razvoj umjetnosti "ARTISTA"

Adresa: Ivana Cankara br. 10, 71000 Sarajevo

Kontakt: +387 62 922 900

+387 33 833 813

e-mail: prijava@artista.ba info@artista.ba

ARTista

Autorska moralna prava autora ostaju neotuđiva u skladu sa Zakonom o autorskom i srodnim pravima Bosne i Hercegovine.

Također, prijavom daje se pravo organizatoru Festivala da dalje prenosi, ustupa, daje licence ili na bilo koji drugi način koristi prava na navedenu pjesmu trećim licima u skladu sa njihovim potrebama u vezi sa Festivalom.

Nakon odabira od strane stručnog žirija, autori čije će se pjesme izvesti na Festivalu odobravaju objavljivanje pjesme na festivalskom nosaču zvuka i svim drugim medijima bez ikakve naknade.

Autori garantuju da su isključivi nositelji autorskog prava. U slučaju bilo kakvih sporova po ovom pitanju odgovornost snosi autor. Slanjem svoje prijave na ovaj poziv, roditelji/staratelji i autori prihvataju sve njegove uslove i prenose pravo na organizatora da odabrane pjesme javno izvodi, štampa u notnom izdanju, izdaje na nosaču zvuka i slike, prenosi putem radija, televizije i drugih medija za prijenos zvuka i slike, te da se ova prava prenose na treća lica. Sva ostala prava autora zadržavaju se za sebe.

Organizator zadržava pravo izmjene termina ili programa Festivala usljed više sile ili drugih nepredviđenih okolnosti, o čemu će učesnici biti blagovremeno obaviješteni.

Za sva dodatna pitanja i informacije, slobodno nas kontaktirajte.

KONTAKT:

e-mail: info@artista.ba i prijava@artista.ba

Kontakt telefon: +387 (0) 62 922 900

Web stranica: www.artista.ba

S poštovanjem,

Udruženje za očuvanje i razvoj umjetnosti "Artista"